

ORATIO
DE ORIGINE, POTEN-
tia, ac tyrannide Thurcorum, Ad Sere-
nissimum & potentissimum Henricum
Angliæ & Franciæ Regem. &c.
Eius nominis Octauum. Di-
cta Londini a D. Ioanne
Fabro.

M. D. XXVIII.




REVERENDISSIMO IN CHRISTO
 patri ac Illustrissimo Principi Bernardo Episcopo
 Tridentino, Serenissimi ac Inuictissimi D. Ferdi-
 nandi, Hungariae, ac Bohemiae Regis &c. Archi-
 ducis Austriae &c. Prothocancellario. Ioannes Fa-
 bri Doctor, Salutem, gratiam, & pacem,
 ab eo qui est benedictus in secu-
 la. Amen.



QV M nuper exactius mecum, neq; id
 sine maximo dolore perpenderem.
 Reuerendissime praesul, quam uarijs
 calamitatum insultibus & procellis
 respublica Christiana aliquot iam retroactis annis
 undiquaq; uorsum sit lacescita, afflictaq; adeo ut pa-
 rum absuerit (nisi Deo opt. Max. aliter uideretur)
 quin perinde ut nauis altissimo maris gurgite ad
 scopulum illisa, tot discriminu naufragio pœnitus
 interiret. Inde est, quod dubium mihi oboriri coepe-
 rit, tibi ne magis, qui iam in Inuictissimi atq; poten-
 tissimi Hungariae Bohemiaeq; Regis D. Ferdinandi
 Principis nostri augustissimi Prothocancellarium,
 communibus omnium uotis pariter ac publico bo-
 no electus es: an uniuerso potius orbi terrarum, cui
 talis, tamq; circumspectae prudentiae Princeps mo-
 derator contigisse uidetur, cōgratulari cōueniat.
 Precor itaq; ut hoc quicquid est eminentiae, tū pri-

Prothocan-
 cellarius.



46.12.17.122

uatim, tum publice felix faustumq; sit futurum. Sed
quis porro dubitabit, diuina quadam prouidentia,
huius ferrei seculi longe quam difficillimo tempo-
rum articulo, te in eum locum, dignitatisq; culmen
idq; citra ullam ambitionis notam esse euectum? Nā
in praesentiarum aequae ac inter Scyllā & Charyb-
dim constituis, omnis melioris auae spes, si quae reli-
qua est, in te uno & unico, nō secus atq; in sacra an-
chora, consistit. Siqdem altera ex parte Lutherismi
praesentissimo toxico tota pene Germania sit infes-
ta, altero item è latere truculentissima Turcorum
immanitas, toties iam (proh dolor) nostro malo ex-
perta, latius saeuire tentet. Tu ille ipse es Hercules,
seu (ut significantius dixerim). Dauid potius, q̄ fun-
da tua, hoc est singulari ac diuina propemodū, qua
preditus es, & eruditione & magnis magnorū cō-
siliiorum industria, superbū illum Turcorū Goliath
sis prostraturus, ita ut ab hijs imminentib. periculis
securitatē, portū, ac ipsam deniq; salutē nobis auda-
cter polliceri possimus. Praeterea si quis ad orthodo-
xā fidē & praesentem reip. Christianae statū, here-
ticorū uidelicet arietib. non mediocriter quassatū,
oculos reijciat, nōne sicuti de Hieremia propheta te
statū est, quasi columnā ferreā, murūq; ereū, pro
tota ciuitate Hierusalē, fortiter te opponi deprehe-
det? ita quod (auxiliāte Chrō) impij seu etiā isrorū.

Clades Ger
maniae à Lu
thero.

Bellū Tur
cis inferen
dum.

portæ aduersum te nihil præualebūt. Iam uero opẽ
re precium quod sim facturus non arbitror, ut alti
us tum ipso (quod aiunt) ab ouo repetam, quot &
quantas clades non dico ab exoticis illatas, sed quas
à Germanis germania perpetuo biennio acceperit.
Illas inquā furias & faces unde obsecro nisi à Luthe
ro: quem pro sua uirili acriter suffudisse frigidā cõ
stat primū ortas dicam? Sed incendiū hoc utcūq; ui
res suas longe lateq; sparserit, modo uigiles habere
uelis oculos, nullo negotio restinguetur, Germa
nia enim, quæ olim inter omnes nationes ob uerum
Dei diuorumq; Christi cultum, ob morum deniq;
incorruptissimorum plus quàm niueam sincerita
tem, cum primis spectabilis commendabatur, simu
latq; mutato instituto cum porcis in uolutabro sese
immergi, quàm è limpidissimis fidei scatebris bibe
re maluit: quid aliud præter intestinorum dissidio
rum semina fructus pepererit non uideo. Itaq; tan
dem factū est, quod huic regno in sese diuiso, Tur
cus, ductu & auspicijs Sathanae, desolationem mina
ri coeperit. Cui quidam in Lutherano ludo edocti,
immo ipse Lutherus, minime gentium resistendum
esse fortiter cõtendit. Belli, si dijs placet, homuncu
li, meoq; calculo nequaquam indigni qui ad coruos
amandentur, qui cum infidelibus bellandū esse pro
hibent, interim centena Christianorum milia mise

re interficiunt. Alij uicissim ut sanioris iudicij, ita
probabilioribus argumentis, quantis quantis dicen-
di uiribus possunt, bellum omnibus modis aduersus
Turcorum impressionem suscipiendum persuadere
conantur, quorum sententiæ omnes, quotquot sumus
Christiani, merito subscribere debebamus. Ea igitur
ratione ego quoque ductus, orationem illam, ad
sereniss. Anglorum regem in celebri Episcoporum
ac procerum concessu Londini à me habitum, tibi
non modo Mæcenati meo, sed & omnium studio-
rum, studiosorumque tanquam cuidam asylo dedica-
re uolui, quâ ubi (quæ alioquin tua est ciuilis admo-
dum humanitas) renidenti fronte susceperis, omni-
no exhibebis ansam, ut in posterum ad cõsimiles la-
bores maiori spiritu suscipiendos accingar. **Vale**

le Reuerendissime Antistes, bonorum om-
nium patrone. Ex Vienna. 16. Mar-
tij. Anno à Christonato
M.D.XXVIII.





Regna pro
uincieq; Re
gis Ferdin.

Erenissime ac potentissime Anglie,
& Francie Rex, Sacrosanctæ ortho-
doxæ fidei defensor pientissime. No-
bis, quos hic ob communem usum &
rem publicam Christianam non modo in pristino
suo statu conseruandam, uerum etiam latius pro-
pagandam adesse coram cernis, Serenissimus atque
inuictissimus Dei gratia Hungarie, Bohemie, Dal-
macie, Croatiae &c. Rex Ferdinandus, Infans His-
paniarum. Archidux Austriae, Dux Burgundiae,
Slesie, Brabantie, Stiriae, Carinthiae, Carniolae, Vuir-
tembergæ &c. Princeps Sueuiæ, Marchio Morauie
Comes Habsburgi, Tirolis, Ferretis, Kiburgi, &
Goritie. Landtgrauius Alsatie, Marchio sacri Ro-
mani Imperij super Anasum, & Burgouuiæ, Do-
minus Marchie Sclauonice, portus Naonis, & Sali-
narum Dominus D. ac Princeps noster clementis-
simus, tuæ Maiestatis auunculus & frater, suo no-
mine tuam Regiam Maiestatem ut plurima salute im-
partiremus iniunxit, atq; ita se offert beneuolum,
ut quibuscunq; rebus tuæ Regiæ maiestati placere
possit, nunquam non facilem & spontaneam operam
suam presteo tuæ Regiæ Maiestati futuram pollice-
atur. Veruntamen cum eiusmodi functio ab eadem
Regia Maiestate mihi semel delegata sit, ut coram

te omnibus numeris excellentissimo Principe, ac po-
tentissimo Rege uerba sim facturus. Vereor equi-
dem, conceptæ de me expectatiōi omni ex parte sa-
tisfacere nequeā, cū uidelicet onus sit grauius, ma-
iorisq; molis, quā ut humeris meis illud subire pos-
se mihi arroganter ascribere uelim. Nihilō secius in-
terim, dum me necessitas & uoluntas eo Regia cō-
pulis, rem, licet per arduam, ut cunq; humili dicendi
fido expedire, & quoad fieri poterit, paucissimis ab-
soluere conabor. Non ignorat Regia Maieſt. tua,
quæ inter grauiſſimas florētiss. huius regni occupa-
tiones Regias, etiam res sanctas, & quicquid uſpi-
am ad Christi fidem religionemq; pertinet, tum cre-
bra lectione, tum meditatione frequenti pertracta-
re consueuit. Quomodo Christus dominus & Salua-
tor noster, qui in principio erat, est, manebitq; Ver-
bum æternum, uerbi sui semen, sanctæ & illibatæ
uitæ exemplo, ac iugi prædicatione in huius mundi
agrum sollicitudine non parua seminarit, quo semē
hoc, in bonam terram iactum, fructum quoq; produ-
ceret uberiores, hanc suo proprio sanguine irri-
gauit. Sic ut ipse uere unicus fili us, primusq; fuerit,
ac sit, q; exierit seminare semen suum, nō uolens ut
caderet, uel in uia publicam, uel inter uepres. aut su-

Initium re-
ligiōis Chri-
stianæ ex se-
mine Verbi

praesaxum aliquod, sed in bonam, frugiferamque terram, ortumque faceret fructum cum faenore. Ad huiusmodi causam, de semine parabolam ab apostolis non intellectam pulchre edisserit, Regnum celorum grano sinapis, quod sumptis radicibus in stipitem in ramos, tandemque in magnam arborem crescit comparat. Multipliciterque in Evangelio testatur, sese hoc uoluisse ut gentilium erroribus, ac Iudeorum superstitione ueluti spinis, tribulis, urticis, infœlicibusque lolijs & miricis, atque id genus alijs terrae nascentibus, falsam ac sterilem proferentibus messem, ab agro mundi praesentis funditus erutis, ac euulsis, totus ager, qui mundus est, flauescens & fertilissima aestatis spicas ex omni parte refertas perpetuo generaret. Ea propter de ficu, ficulnea, ac ceteris arboribus, de messe, messoribus, falce, regionibus albis. uinea, uite, agricultura, uinitoribus, colonis, estate, horreo, area, fructibus, centesimo, sexagesimo, ac tricesimo, thesauro in agro abscondito, & tribus farinae satis, Grano frumenti, & hisce simililibus sexcentis propemodum parabolis, arcana mysteria, ignitaque sententias ore suo diuine deproapsit. Percurrens denique Iudeam, Galileam, Samariam, totamque Palestinam, plantator, irrigator, et incrementi praecipuus autor, sua manu stiuam aratri etiam usque ad crucem, crucisque mortem non retro-

spiciens duxit, torcularq; solus calcavit, quo letas
segetes, messem, uineamq; perfectã, in hoc agro pa-
tri eterno, quem & ipse uocat agricolam, planta-
ret. Et ne quid uspiam neglectum iret, etiam apo-
stolos quos alibi palmites, & in Marco designat a-
gricolas, in mundum uniuersum misit, ut & illi re-
liquum & totum terrarum orbem, quasi communẽ
agrum hac foecunda plantatione replerent, deniq;
iuxta uerbum Doctoris gentium, dei agricultura
facerent. Et ad illius exemplum etiam sanguinis ef-
fusione terram, alioqui ex primorum parentum
transgressione spinosam, sterilem, aridam & penu-
tus infecundam, coelestis gratie riuulis abunde ir-
rigarent. Cecidit itaq; res breui feliciter, atq; adeo
ut apostolorum sonus in omnem terram exiuerit
& in fines orbis terræ, a solis ortu usq; ad Britan-
niæ occasum uerba eorum. Euntes ibant & flebant
mittentes semina sua, uenientes autem uenerunt cū
exultatione, portantes manipulos suos. Non modo
Samaritania, sed etiã ὁκόμην hoc ē, totus orbis hoc
semen, id est, uerbum, accepit, quo uniuersa terra
(ut olim Aræ filie Caleb, irriguum superius inferi-
usq;) irrigata est. Factæ sunt itaq; & in tota
le-
tæ segetes, Regiones albæ, Messisq; per totam A-
sia, Aphrica, Europa, ab oriente usq; ad penitus to-
to diuisos orbe Britannos. Hec tempora non solum

Prædicatio
Apostolo-
rum.

septennalem in Aegypto ubertatem, uerumetiam Saturnia regna longe superarunt. Ea quoque fames diuinissimi uerbi dei, de qua pastor rusticus & propheta Amos in pastoralibus Thecuc nonnihil praedixerat, omnino sublata est. Terra enim dedit fructum suum, ederunt pauperes & saturati sunt, laudaueruntque dominum. Comederunt ueri Israhelites panem absque ulla penuria, panem de caelo uerum, in quo uiuit homo, in cuius fortitudine cum Helia propheta ambulat, quisquis edeat, usque ad montem dei Oreb.

Mahumet
tus pseudo-
Christus.

Quumque haec plenitudo temporis, dulce plenumque conuiuium, sexcentos perstitisset annos. Ecce tenebricosa ac quasi intempesta nocte inimicus homo, non modo pseudopropheta & euentus Apostolus, sed pseudochristus, qui se pro Deo uenditabat. Mahumetus Spurius à patre idololatra, & Agarenius à matre, haud secus quam callidus ille serpens, in paradysi dominicum agrum irrepsit, zizaniamque super seminauit, & quicquid recti, ueri, honesti, & salubris à Salvatore nostro, illiusque discipulis tanto labore & studio per priora secula plantatum & cultum erat, extirpauit, euulsit, & quasi radicitus euertere atque euellere coepit. Nec aliter

quàm horrendus ille & cunctis formidabilis aper,
qui misere quondam uastabat Arcadiam uicinasq;
regiones. Idem Mahumetus, abiecto pudore, lon- depulator
ge lateq; depopulatus est. Ac semen, quod inter uineæ domi
ram mirifice fecundam ceciderat, penitus euulsit, ni Sabaoth.
extirpauitq;. In pessimæ & astutissimæ uulpis mo
dū, uineam Enggaddi, zorecy, utramque illam ele
ctam uineam domini dei sabaoth perdidit, totumq;
agrum sanctum, tam pulchris redimitum floribus,
& Christi tam bono odore fragrantem, ut longe
præcelluerit odores Iacob filij Isaac, Nardi, unguē
torum, florentium uinearum, Mirræ, Eulsami,
Mandragoræ, suauissimiq; Thimiamatis, infecit. Is
Mahumetus, & si ex infima fece, obscuroquē loco,
dubium Arabs an Persa, natus fuerit, quasi ille in
ter Israelitas primus blasphemus de patre Aegyp
tio, & Israeliti de matre natus, huius mundi regna
respuit, ut Christus in monte, sed suggerente ten
tatore diabolo, mox omnia ambiuit, & Sathanam
adorare coepit. Quippe Sergij, Nestoriani apostata,
& Ioannis antiocheni heretici auxilio & ope
rafretus, rudi & nihil tale intelligenti Arabum po
pulo, miris prestigijs Alchoranum prescripsit,
quasi legem demissam cœlitus. Vidit
uana, & in pseudoprophete morem diuinavit

Doctrina
eius carna-
lis

Iussit eligi
Quatuor
Amiros: quos
nunc Bassas
& Vuonas
uocant.

mendacia. Quo denique totum orbem, quem tunc in
tres uias trium religionum, Christianismi scilicet Iu-
daismi & Gentilismi, diuisum inuenit, sibi uendica-
ret, ad se suamque nocentissimam sectam pelliceret,
ex omni parte, ea quibus hominum desideria & il-
lecebre appetitus satiantur, inseruit, Instabilesque in
fide, hac uia, in Antichristi modum, seducendo a ue-
ro, aberrare multifariam fecit. Et quo popularior
esset, & multos brucos adnumeraret, ex omni secta
que placentia erant, atque Veneris & omnium uo-
luptatum relaxare habenas solent, predicauit, om-
nia contra sententiam toties a Paulo repetitam, in
carnis occasionem. Sicque consuevit puluillos (ut est in
Ezechiele) sub omni cubito manus, & fecit ceruica-
lia sub capita uniuersae etatis ad capiendas animas,
Quae omnia huc pertinebant, ut eiecto Christo, ipse
uerus Messias, & quasi alter Nabuchodonosor, pro
deo haberetur, Coeli, maris, terraeque dominus esset.
Et nationes, quas dulcedine, uoluptatum & titilla-
tione carnis permulcere, & ad se pertrahere non
potuit, ui adigere animo suo cogitauit. Idcirco in sua
legis Alchorano spurcissimo. sic perpetuo seruandam
statuit, ut in quatuor plagas terrae Mahumetani
nunc Bassas reges: quatuor Amiros (quos nunc Thracico uel Per-
& Vuonas sico uocabulo Bassas: Sclauonice Vuonas appellant)
eligerent ac intertenerent, qui semper armis & ma-

nu potenti terras alienas incurrerent, hasq; Mahu
metanice ditioni seu tyrannidi subiugarent. Sic eo
tam ambitioso ordine ac instituto repente factum
extitit, ut ijdem Mahumetiste, quos maiores nostri
aliquot seculis Sarracenos, & nos praeualefcente
nomine Turcas uocamus, bellis quasi per manus ac
ceptis Mecha nullo pacto contenti longe lateq; per
uniuersum orbem regnare coeperunt. Quandoqui
dem defuncto Mahumeto, anno suae etatis tricesi
mo quarto, illoque cū suis aliquot pseudoprophetis
asseclis apud Mecham sepulto, Turcorum interim
arma in exteros fines nunquam quieuisse leguntur.
Idque non modo miranda, sed stupenda res fuerit.
A Mahumeti morte si diutaxat numeremus centū
proxime secutos annos. inueniemus quanta uicinis
natiōibus damna intulerint: quot Imperia, Regna,
Prouintias & terras occupauerint, quae cum obiter
& per compendium, uel scire, uel alta mente reuol
uerē non parum profit, rebusque nostris ualde con
ueniat, nonnulla commemorare libet. Non q; clemē
tissime Rex ista nescias, qui rerum earundem & simi
lium gestorum doctissimus & expertissimus es, sed
ut in memoriam reuocemus, parius in Arabia igni
culus in quantam flammam latumq; incendium bre
ui excreuerit. Sic enim historiae tradunt, sub Hera
clio imperatore, Anno post Christum natum sexo

Tricesimo
quarto
anno suae
etatis sub
Heraclio
obiit.

Succesores
Mahumeti.
Ebubaber.
Haumar

Otman
Hic subie
cit sibi oem
Arabiam.

Antiochiā.

ingentesimo tricesimo secundo. Mahumetum,
qui se deum immortalem fecerat, obiisse mortem,
illi; dum uiueret, ex aliqua parte Arabiam paruis
se. Fuit eo tempore Syrohes Persarum Rex, hūc
Ebubaber, Mahumeti cognatus ac successor, uicit
exuitque regno. Post quem Haumar, secundus Ma
humetanorum Rex, qui repente irruit in Syriam,
sanctamque Hierusalem cum dominico sepulchro
occupat. Syriam domat. Mesopotamiam totam
usurpat, eiectionisque Romanis Cesaream Palaestinae
capit. Eodem Haumaro à quodam Persa per in
sidias interfecto. Otman Sarracenis praeficitur.
Qui mox Gabatham reliquamque Arabiam, petre
am scilicet & desertam sterilem, & eam quam feli
cem uocant, usque in sinum Persicum, & ultra ma
re rubrum subiecit. Posthac Muhaniā praetorem
cum quatuor Amiris misit, qui Antiochiam, primā
sancti Petri apostolorum antesignani sedem cepit.
Aegyptum cum reliquis prouincijs usque ad Eu
phratem, fluuium ex paradyso (ut in Genesi legi
tur) fluentem, obedire fecit, & transito Euphrate
Edissam uenit. Post hoc Sarraceni, seu potius Aga
reni, non a libera, sed ancilla Ismaelica, Aphricam
impetunt, & illius magnam partem tributariam fa
cientes, ex templo cum mille scaphis & pluribus.

Cyprum, quæ est Insula Syriæ & Cilitiæ opposita, Cyprum
 inuadunt, Mox Isauriam, quàm Cilitiæ partem nō Isauriam
 nulli fuisse dicunt, ac Siciliam deinde, angusto fre- Siciliam
 to ab Italia diuulsam, & in ea pulcherrimam, ijs
 temporibus, Siracusanam urbem hostiliter obtinēt
 clarissimam in maria Carpathio Insulam Rhodum Rhodum
 truculenta manu inuadunt, & illic nobilem Colos Colossus
 sum, statuem quidem septuaginta cubitorum altitu Rhodius ab
 dinis, ex ære mirabili artificio conflatam, inter se- co destru-
 ptem mirabilia mundi numeratam, hostiliter de- ctus.
 struunt. Ex cuius ære Emisenus quidam, genere Iu-
 deus, noningentos Camelos onerasse legitur.

Eodem etiam anno, qui a uirginis partu. DC.
 LV. Mahumeti uero morte uicesimus tertius erat.
 Thurci Armeniam intrauerunt, & Mutianum Ro-
 manorum Prætozem usque ad Caucasios montes
 persequuti sunt. Sequenti anno Muhannas ex Muhannas
 Amiro factus Rex, Ita Syrijs & Aegyptijs patro- Rex
 cinantibus contra Halim, cui desertum Arabiæ ad-
 hæsit. Illico Romaniam, quæ Constantini magni
 temporibus ita uocari cœpto est ad Bosphorum,
 propontidē, & Hellespontū ingreditur, Cilitiā et

Cōstantino Litiam occupat, & per septem annos bisantium,
polis .VII. quod à primo Christianorū principe, qui uere Chri
annis obsecrasti nomen agnouit, Constantino magno, q̄ natus Bri
sa.

stantinopolis nomen accepit, terra & mari tā stren
nue obsedit, ut obsidionis anno primo sex continuis
mensibus non recesserit Mahumetana classis à ma
ri, neq; inde castra mota fuerint à moenibus. Sed in
longum nostra cresceret oratio, si recensere perre
xero, quæ & quanta egerint reliqui post Muhania

Reges Ha. am reges, Habilalam scilicet & Abdimelech. Nam
bilalam & sub Iustiniano Imperatore reliquas Persidis & Ar
Abdimelech menie partes occuparunt, ipsamquē Carthaginem,
quā tantis etiam tēporibus Romana potentia sub
dere non potuit, potenti manu inuasere. Vlid quoq;

Rex Vlid. Rex Damascum & Misiā, quā hodie Thurci
Sagariam dicunt, occupat, & Galatiam totam ex
poliat. Quod si magnas res & memoratu dignas hij

Alij Reges homines hucusq; gesserunt, non minora Sulimon,
Turcarum. Haumar, Gizid & Eluelid, omnes Turcarū reges,
& Turcicariam rerum gubernatores, præstitere.

Nempe Sulimon Thraciam, in qua tunc Triballi,
Sulimon. Dardani & Misij erant, totam uastauit, Gizid in
Haumar Sardiniam ruit, Haumare ita iubente. Anno salu
Gizid tis. DCC. XX. inter dissensiones ac dissidia Iustinia
ni & Philippi, Abdurauiā belli & exercitus Sarra

cenorum Dux, ex Numidia, Mauretania, & reliquis
Aphricæ locis, in Hispaniam transfretaui, illamq;
totam & maxime Granatæ regnum sibi uēdicauit.
solis Galicia & una parte Castiliæ saluis. Et quot
quot illic Visigothos ac Sueuos inuenerat: eiecit. Sic
q; Sarraceni magnam Hispaniæ partem eamq; fere
octingentis annis occuparunt, quoad successu tem
porum, aliquot Hispaniarum reges iunctis copiis,
illos partim repulerunt. Et nouissime Ferdinandus
& Isabella, Augustissimæ tuæ conthoralis parētes,
Sereniss. Regis nostri auus & auia, per quinquenna
lem obsidionem, illos à Granaten. regno & urbe, an
no incarnationis domini. M. CCCC. XC. eiecerunt.
Ex quibus omnibus manifestum habetur & est, in
tra primum centenarium, quàm effuse Turcarum
uires creuerint & auctæ sint, utpote qui maiorem
Asiæ, Aphricæ & Europæ partem uiolenta depre
datione expilauerint & occuparint, nec interim ul
lo unquàm tempore illorum arma siluerunt, de qui
bus enarrandis si liber scribatur, immensæ magnitu
dinis erit, usquē adeo πολὺν χρόνον ille regnandi
Tyrannus intra octingentos annos suarum uirium
alas late extendit. Missis ergo ob temporis angus
tiam & tacite præteritis Christiani orbis, fidei, res
rum & populorum iacturis, ciuitatum ruinis, re
gnorum deuastationibus, cruentissimis tot hominū

Abduraia
in Hispaniā
transfreta
uit.

Ferdinādu
& Isabella
Sarracenos
eiecerunt

**Amurates
princeps
Turcorum**

cedibus quas à septingentesimo, usq; in millesimum
quingentesimum Christianæ natiuitatis annū Tur
ci perpetrarunt: sunt ex uiuentibus, qui adhuc remi
nisci possunt. Amuraten Othomannorum Turco
rum principem, à Christianis coepisse Thessalonicā
urbem, quā duabus epistolis Tarsensis ille Paulus
docuit in fide Aetholiamq; , quæ nunc despotatus,
& non modicam illyrici partem ui subiugasse.

Ac breui multas urbes Atticæ, Boetiae, Phocidis,
Achaiae, Macedoniae, & Graeciae occupasse, nobilis
simas deniq; Aegæi maris insulas, Euboiam, quæ Ni
gropons, & Chium (in qua Euchiū nascitur, qui cu
ras dissipat edaces) manu potenti ademisse, Lesbō
quoq; & Mitilēnen Macherci filiae. Anno salutis
M.CCCC.LXIII. eripuisse, & quod intra sexagi
ta annos ausus fuerit, in Apuliam traicere, &
Hidruntem uendicare.

Quo deniq; Seruiam, tunc inferiorem Misiā,
per occasionem adipisceretur, Georgij Seruiae de
spoti filiam desponsauit. Et apud Varnam montem
Vlatislaum Poloniae Regem, ac ipsos Hungaros in
prælio superauit.

Quid quod quinquagita plus minus sunt anni,
quando Machumetes Amuratis filius, quem cuncti
ob magna facinora, magnum Turcum uocabant,
per Hellespontum in Europam classe traiecit ad

Euxinum mare, à littore Bosphoricastrum fecit,
& Constantinopolim, alterum Christiani orbis ocu-
lum nobis ademit. Ac Paleologorum ultimam Con-
stantinopolitani imperij regnantem familiam cum
ipso Imperatore euicit, & reliquã Romaniam sum-
mo dedecore subdidit.

Hinc Peloponesum, non tantum gentium in ea Pelopone-
quondam nobilitate & potentia, sed locorum etiam sum prædã.
situ, promontorijs & sinibus nobilem, prædam sibi sibi fecit
fecit, & omnem Christi populum abduxit, eoq; pro
uiliſſimis mæcipijs usus est. Et mox irruit in Acha-
iam, Acarnaniam, Epirum, Bulgariam & Seruiam Regiones
quas omnes, & quicquid ab Adrianopoli, ac intra Græciæ suo
Sauum amnem, & Danubium flumen interiacet, cū imperio ad-
magna parte Valachiæ. quæ olim Datia, suis impe- iecit
rijs ac regnis adiecit. Bosnam postremo, quam uete Bosnã, hor-
res Misiam superiorem nuncuparunt, & quæ hor- reum Cere-
reum Cereris ob fertilitatem dici meruit, Hūgarie ris deuasta-
& Croaciæ conterminam, ingressus est. & tanquã uit.
horrenda tempestas, illic cuncta uastauit, illamquẽ
cum uniuerso Regno, & Christiano rege, compre- Mitilenen.
hendit destruxitq; expugna

Idem etiam Machumetes mox nobilem & natu uit denuo
ra inuictissimam Mytilenen denuo expugnat, & Imperium
Trapezundarum imperium diripuit, & ut summa Trapezon-
tim complectar multa. Iste unus Tyrannus in Asia tis diripuit.

XII. regna
in Asia mi-
nore obti-
nuit

minore duodecim regna intra breuissimos annos ob-
tinuit. Pontum scilicet, Bithyniam, Cappadociam,
Paphlagoniam, Ciliciam, Pamphiliam, Liciam, Ca-
riam, Lydiam, Phrigiam, ac ferè omnem Pelopone-
sum, quæ poenæ insula est, & Morea nunc dicitur,
demptis reliquis prouintijs, Insulis & urbibus, quæ
illius nomen & pedes adorant.

Isthmō Ma-
cedoniaquē
sibi subiuga-
uit.

Adhæc omnia idem Turcus adiecit Isthmon, &
angusto tramite Helladi Peloponneson annectit, et
Corinthum celeberrimam urbem continebat. Alba-
niam, quæ olim Macedonia, & ab Albanis supra
Cholchidem habitata, Scopium & Dirachium.

Soldanum
prelio fudit

Et quedā in Epiro, ad finem quoq; uitæ capta Pho-
cide urbe à Phoco Thesei fratre condita. Soldanū
Assyriorum, & Aegyptiorum regem, prælio supe-
rauit. Et forte quadraginta sunt anni, ubi Capha,
illiusq; imperium, quæ est in septentrionali plaga,

E Chapha
septuagin-
ta milia
Christianor-
um abdu-
xit.

& in Traurica Chersoneso, non longe à Meotide,
in manus Turcorum deuenit. Et inde uno impetu,
septuaginta milia Christianorum captiui abducti
sunt. Interim Vgent Machumet, Assumbei Suncas-
sani filius, in regnis Parthorum, Persarum, & Mee-
dorum, Mesopotamiæ, & Armeniæ regnare cœ-
pit.

Irruit in
Hungariā.

Temporibus itaq; Mathiæ regis inferioris Pan-
noniæ, quàm nunc Hungariam uocitāt, Machumet

irruit in Rafannum Lycosbanum, Seuerinum, Clisium & Moncastrum, pugnacissimas urbes, in ripis Danubij, & ad mare sitas. Ex illis quoq; in Hungariam. Sauo, Trago, Trauo, & Danubio fluminibus liberum transitum fecit.

Hijs quoq; & bonæ memoriæ Imperatoris Romanorum Friderici tertij, nostri regis proauj, temporibus Pazaita. Baysetas per duces, quos (ut antea dictum est) Thurci Bassas, & Slauonice Vuonas uocant, grauissimas incursiones in Pannoniam, Croaciam, Dalmaciam, Illyricum, Carniam, Carniolam, Carinthiam & Stiriam, inclytas domus Austriæ Prouintias intulit, & sic Germaniam pugnacissimam, à limine primus Turcorum salutauit. Naramq; regis Mathiæ portum, regnumq; Croaciæ, quod olim Liburnia fuit, maiori ex parte uastauit.

Sic itaq; Turcorum tyrannus, illiusq; res ex minimis principijs in immensum pene creuerunt, & ubi per apostolos ac martyres olim signum crucis, nomen Christi, tēpla summi & ueri dei erecta sunt. uenerant gentes (ut est in Regio Citharedo propheta) in hereditatem domini, polluerunt templum sanctum & tabernaculum nominis eius, posuerūt Hierusalem in pomorum custodiam, morticina seruorum domini escas uolatilibus cœli, carnes sanctorū bestijs terræ, effuderunt Christianorum sanguinem

In multas
Austriæ
prouincias
impressio-
nem fecit.

Prophetia
Dauid de
Turcis.

**Immanitas
Turcarum
in deuictos**

tanquam aquam, & non erat qui sepeliret. Patriarchas Antiochie Alexandrie, & Constantinopoleos, Archiepiscopos, Episcopos ac sacerdotes, dei ministros, & mysteriorum dispensatores, & electos Christi milites, ense, quem illi Sebolam uocant, necauerunt. Vxores & uirgines castissimas inter obscenā Mahumeti prostibula prostituerunt, hijsque abusi sunt.

Viros & mulieres, senes & iuuenes, absque sexus & etatis discrimine, dum hæc fierent, abduxerunt. In miseramque Pharaonis seruitutem, ad coquendum lateres, ad fodiendum arenam, ad remigandum in triremibus, more Galeatarum, reiecerunt.

Ah quoties infantes ab uberibus & lacte matris auulsi sunt, & interim in illas pudicissimas matronas Lucretias, spurcissimā Venere seuitū est. Quis nefandas transactorum temporum cedes, stupra, adulteria, sacrilegia, tot clariss. urbium euerisiones, referre sine lachrymis potest?

**Crudelitas
in Clerum.**

Veritas & res gesta est in Mitilene Constanti-nopoli & Trapezunda, quoscunque diuino cultui deuotos & addictos inuenere Turci Archiepiscopos, Episcopos aut religiosos, perinde ut boues in campis & foris mactari fecerunt. Et in prelio æstatis proximæ, non satis erat quod octo Episcopos Pannonum interfecerant. Sed post stragem inter mora

tuos Christianos Archiepiscopum Strigoniensem, In Archi-
Cancellarium regni, ac dominum Paulum Archiepiscopos Hun-
copum Colossensem. utrunque pro fide Christi mortuum, garia.
Solomon Turcorum princeps decapitari, et in fru-
stra ac minutissimas partes (ut nonnulli retulerunt)
secari ac discindi impudico ore iussit.

Turcius in Rasia, hoc est inferiori Misia, quæ In Magna
Seruia nunc est, cunctis magnatibus oculos erui, tes Rasiæ
quasi alter Iulianus apostata, præcepit. In Euboiæ In populū
uero innumerum populum palis suffixit, alios ob- Euboiæ
truncavit, plerosque ignito ferro discerpit, pue-
ros et infantes nondum ablactatos saxis illisit, et
pro Tyrannica consuetudine multos per medium
scidit.

Trapezontium autem Imperatorem, cum pon In Impera-
tice Oræ et Cappadociæ principibus, liberis, uxore Trapezon-
ribus, Bisantiū uelut in triumphum duxit, ductos- tium.
que lachrymanda morte interemit.

Prætereo urbes, ciuitates, et castra, quæ Turcius Vrbes mag-
ferro et flamma perdidit, et quedam solo equa- ne sub Tur-
uit. Quid quod non sine Christianitatis magno, uixque cis.
uincendo periculo, celebriores urbes, quas orbis ha-
bet, suæ tyrannidis uocem audiunt, inter has expres-
sis numerare nomibus cogimur, Tripolim, Smyrnā,
Sebasten, Cæsaream, Anthiochiamque, quæ olim
Reblata et Petri prima Cathedra, Alexandriam

que Euangelistæ Marci sedes fuit, Damascum, Iop-
pen, Ascalonem, Tyrum, Sidonem, Alchirum, quæ
olim Memphis, Balthac quæ Babilō, Athenas, Theſ-
salonicam, Laodiciam, Colossam, Philippidem, The-
bas centum portarum, & Niniuen trium dietarū,
ipsamque arcem Syon, unde exiuit lex, & Hierusa-
lem unde exiuit uerbum domini, aliasque propemo-
dum infinitas & potentiores totius mūdi urbes po-
pulosissimas & opulentissimas & augustissimas.

Occidentalem
plagā
uexare in-
cepit.

Adhuc tam amplis imperijs, regnis, prouintijs,
et urbibus ἐπ' αὐτῆς ille orthodoxæ fidei hostis nō
est satiatus, sed totus adhuc tendit, & animi sui au-
dacem cogitatum adiecit, quando ad orientē solem
nihil ferè reliqui habet quod rapiat, sed istic terræ
& maria illi obediunt, iam ad nos rapacissimos suos
ungues conuertit, et reliquam occidentalis ecclesiæ
particulam, quæ in illius comparisonem quasi te-
nui filo pendere uidetur, demoliri conatur.

Est quoque illius proculdubio præsumpta & ela-
ta in cælum usque cogitatio, nolle cessare, quoad in-
fluminibus tuis (hic caue prudenter & defende ui-
riliter catholice Rex, qui fidei defensor es) etiam
Tamesia iuxta regiam tuam suos Turcicos Astur-
cones equos, & Camelos adaquet ex eoquē potum
præbeat.

Et ut Lybico, Persico, Ionio, Aegeo, Hircano,

Tiberiaco, Adriatico, Euxino, & alijs maribus pre-
 ualuerit, ita sibi facillimum & citissime futurum
 non dubitat, etiam Poligoniam tuam Britanniam, Orca-
 nibus insulis, Islandiam, ultra circulum Arcticum im-
 perare, ut ipse unus ac primus sit futurus, cui ad Ma-
 ronis hemistichium seruiat ultima Tyle, & sic non
 modo Oceano, sed & toti mundo presidere ambit,
 forte cum Pello iuvene, tandem quæsiturus a phi-
 losophis, magisque prudentibus, an ullibi locorum sit
 alius mundus, ut & illum sibi subiugare festinet. Ea
 propter cum in Aethiopia supra Aegyptum, que **Potentia**
 India est, Naid Gian, quem nos Pretoian dicimus, **Turcarum**
 non formidet: a Syria & Assyria, Melech, Lastra
 phi, Sulidanum deleuerit: cum Tartaris ultra Tana-
 im & Meotides Paludes affinitatem contraxerit.
 (Nam illorum Rex uiuentis & nostris temporibus
 in nos tam dire ferocientis Sulimonis sororem in uxo-
 rem asciuit) & cum ijs Scythicis populis, qui ultra
 Bolgam amnem & supra Caspium mare degunt, ami-
 citiam teneat & pacem: Hiberiam, in qua olim Ba-
 charites Melech, prouoto habeat, Sophique Persam
 bis praelio uicerit, Etiam ab illius Regia urbe & re-
 gali sede nobis uiuentibus profugauerit (Ita in pro-
 ximis comitijs procerum Romani imperij apud No-
 rinbergam, ubi etiam tue Maiestatis Regij Orato-
 res aderant: Sophi Persæ nuncius ad Regem nostrum

Rhodon in
sulam sub
Adriano
Ro. Pontifi
ce coepit.

destinatus referebat) neq; sit, quod hunc Persarum
Regem, uel aliū quenquam interra formidet: Ideo
hoc omnes potentias uiresq; suorum potentissimo-
rum regnorum conuertit, ut Hungariæ et Croaciæ
regna sibi contermina, & deinde tantillum quod
superest Christianitatis evertat, uastet, sibiq; subij-
ciat. Sic intra sex annos sub Adriano huius nominis
Romano pontifice sexto, Rhodon insulam, & ciui-
tatem Rhodianum, a cruce signatis militibus expug-
nauit, Sic Belgradum Taurini oppidum, quod alij
albam uocant, uere bellum Pannoniæ gradum cum
munitissima arce, non modo Hungariæ, sed totius
Christianitas propugnaculo cuius.

Et profecto dolenda res est, ut Rodos Lydia
Insula, quæ olim perpetuo quinquennio, a Soldano
ægypti armata classe uexata, & post hæc ab Otto-
manno Turcorum principe, cum centum millibus
armatorum, octoginta diebus obseßa, libera & in-
uicta fuit, & Belgradū urbs munitissima a Mathia
rege faucibus Turcorū erepta sic æuo nostro ab im-
manissimo illo Tyranno CHRISTIANORVM
disidio, desidia dicere uolebam, occupentur. Et ex
hijs, ut plerisq; alijs CHRISTIANORVM
locis, CHRISTIFIDELES innumere qui-
dem multitudinis iugulati, & reliqui compedibus

Et catenis uincti, abducti, Et in Machumetis sceleratam reiecti sunt.

¶ Anno uero presenti, estate præterita, Sulimon ille Turcorum Imperator factus ut se immortalem, Et adhuc adolescens, populum sibi in uiridi applaudentem faceret Et conciliaret, suorumque regnorum fines augeret. In propria persona sese a sedibus proprijs mouit, Et tanquam Atti-
la flagellum, fulmen, Et terriculamentum orbis, cū potentissimo exercitu tam equitum quam peditum ultra centum Et quinquaginta, Et fere ducenta milia hominum, cum Camelis (ut quidam retulerunt) triginta milibus, nauibus tribus, millibus, equis, arte-
lerijs, munitionibus, Et commeatu instructissimus Hungariam inuasit, Petriuardin, Et alia quedam munitissima castra coepit. Ex his aliqua in cinerem uertit, Infinitam CHRISTIANI sanguinis multitudinem cruenta Et immiti clade, cæde mactationeque carnifex ille perdidit.

Sulimon
præterito
anno Tur-
corum Impe-
rator ele-
ctus

Quæcunque etiam tam hominum, quam iumentorum, aut bonorum, ex lateribus fluuiorum, Sauri, Traui, Tragi, Et Danubij inuenit, uastauit: Et in prædam quasi leorugiens diripuit, Idque in longi-
(tudinem, si solam Hunga-

riam eamq; a Belgrado metiamur, per quadringenta & in latitudinem per ducenta ac plura Anglicamiliaria, & quidem paruo temporis decursu, hoc est, sex mensibus perpetravit.

Felicitis memorie regē Ludouicū Hungariæ fugauit & trucidauit Quod deniq; horribilius est, occurrentis Ludouici regis exercitum ualidissimum, octo Episcopos, ac regni primates & proceres profugauit, & in tuæ Maiestatis ac omnium Christianorum Regū & Principum perpetuam ignominiam, & uix abluendum dedecus, pientissimum regem, eumq; florentissimæ ætatis, iuxta Tragum flumen, in obscena et profunda palude immatura morte interire fecit.

Penetrauit ad Budam, quam incendio perdidit. Et mox triumphabundus. Sennacherib ille blasphemus, sese in eiusdem regis regale solium, quod in inclyta urbe Buda fuit, posuit, sese Hungariæ regem adorari præcepit, ipsamq; Budam cum Pesta ciuitate, ex altera & opposita parte sita. Vulcano tradidit, in fauillamq; & fumū perdi & abire fecit.

Nolim hic coram prudentissimo Rege diutius immorari circa cedes, latrocinia, iugulationes, predaq; opimas, quas etiam in æneis Machinis in subsidium missis abduxit.

Adhuc ἀπληρώτος & sanguinariū hostis, intra fines nactos manere, atq; Constatinopolinato Trapezūtio, etiā Caphæ, Imperijs & plus quā sexaginta regū regnis cōtētari non didicit neq; uult,

etiam si Macedoniam, quæ nunc Albania, habeat,
ex qua gente, ad excursiões sane procacissima, Phi-
lippi regis Filius magnus ille Alexāder, cum trigē-
ta millibus duntaxat militum, ut quintus Curcius
testatur,, fere totum sibi subegit orbem

Iam uero minime seuiſſimus quiescit animus,
sed diu noctuq; secum uoluit ac meditatur, ut singu-
la reficiat atq; instauret, quæ ad ulteriorem & no-
uum belli gerendi apparatus attinent. Terra de-
nuq; & aquis cōmeatum comparat & instruit, quæ
cunq; pro æstate nunc proxima & imminenti neces-
saria sint, ut mox hungariam, Croaciam, Austriam,
& proculdubio Germaniam, & reliquas Christia-
norum prouintias, etiam occidentis quicquid super-
est, suæ ditioni subiicere possit.

Animatur ad hæc & tam magna moliri Turcus
q; uidet Hūgariam nūc sibi apertam esse, nec (ut o-
lim) Euxino mari, aut Alpibus impeditur, aut clau-
ditur. Cecidit Croaciæ regnum, quod suo hiatu fe-
re totum absorbuit, deglutiuit & deleuit, Superest
ut pessimus uicinus, reliquos uicinos, quos pati non
pōt, neq; uult etiā, te quoq; in breui rostratis tri-
remibus & nauibus, aut terra adoriatur.

Sciens & quasi præ oculis præsentaneos inte-
ritus Christianitatis uidens Serenissimus ac clemen-
tissimus Ferdinandus, Hungariæ ac Boemiæ rex Ar-
Prouiden-
tia Regis
FERD.

chidux Austriae, & princeps & Dominus noster
gratiosissimus. Quid aliud faceret quam quod ma-
xime & primo omnium loco Christianum princi-
pem, a tot Christianissimis Imperatoribus, Regibus,
& Archiducibus parentibus, auis, proavis, abavis,
& attavis natum, & speculatorem fidelem, contra
uenientem gladium decet, ac plurimum ornat, in-
primis CHRISTI, non propria quaesita gloria,
precantes manus cum toto illi credito populo leuet,
& cinere aspersus cilicioq, in Ninuitarum regis
formam indutus, toto corde se uertat & clamet ad
dominum. Quis scit si conuertatur & ignoscat de-
us, & relinquat post se benedictionē.

Ad hoc ueluti Iosue contra Amalechitas pugna-
turus pro saluanda Christiana Repu. & recuperā-
da ab iniustus possessoribus, Iebuseis, Cananeis, Phe-
reseis, Etheis, Amorreis, terra promissionis, quae
lacte & melle fluit, etiam illa sancta ciuitate Hieru-
salem, se uiriliter & fortiter contra iturum parat
& iam irruenti sane saeuo hosti, perinde ut ordinis
diui GEORGI militem, quem Gedeonis &
suscepti uelleris, clipei, ensis, & hastae sic tuis prae-
scriptis legibus exigentibus, memorem esse oportet,
unde quaque conscribit & colligit milites, Ma-
chinas, commeatum, & quicquid ad exercitum uti

le & necessarium esse credit, non aduersus Christia-
nos principes, sed contra Christiani nominis perse-
cutores pugnaturus, hic diligentissime adornat. Ita
ut tue militiae non impigrum agat militem, suoque
fungatur officio.

Sed ne tam fortis & exercitatisimi in bello ho-
stis uires & multitudinem contemnere uideatur,
gaudeantq; super illum olim inimici pessimi, ne ue-
in toto orbe rideatur, quod apprime & operepre-
tium cauendum esse praedixit dominus, uolens edi-
ficare turrim, prius sedens sumptus computare debe-
at. Aut quis Rex: inquit is qui uia, uita, & ueritas
est: proficiscens ut committat prelium aduersus al-
terum regem, nonne sedens prius cogitat, an possit
cum decem millibus occurrere et, qui cum uiginti
millibus ueniet contra se. Ea propter apud se suos
que fidos, quos habet, amicos & a secretis consilia-
rios inuenit, nisi sua Maestas se ac reliquam deni-
que Europae & CHRISTIANITATIS par-
tem, non modo tributariam, sed penitus extinctam
dedere uelit, hostem cum quo certe dimicare oport-
tebit, facile non temnendum aut negligendum sed
illi cum potentissimo exercitu Cataphractorum.

milites qui
perpetuo pe-
nes. Turcā
sunt

Tiniarcini

Ianizari

Asyppi

et leuiorum equitum ac peditum obuiādum esse.

Non ignorat, profecto sed a totidem explora-
toribus fidisq; tam suae Ma. quam Christianorum
amicis et monitoribus compertum habet, illum apud
Turcos militarem esse ordinem, ut illis perpetuo
sint equites octoginta millia, quos Tiniarcinos uo-
cant, qui et in duos diuisi sunt exercitus, Asiaticū
scilicet et Europeanum, quorum praesidentes (ut an-
tea diximus) Bassas uocant. Et quod Sconisitarum eq-
tum, qui sine stipendio, et pro quinta parte praedae
militant, semper quadraginta milia sunt, Cathippo-
rum autem Spahiglanorum et Soliphratorum ex
Scythis et Persis ad latus regis aliquot milia. Didici
cit etiam ac scit sua Maiestas peditum ordinem in-
ter teneri triplicem, Ianizatorum quidem, qui ex om-
nibus Turcorum regnis proceriores ad hoc idonei
per conquisitores leguntur, et ab ineunte aetate,
quasi Ephæbi in publicis gymnasijs et castris, ut olim
lacedaemonij nutriuntur, et albo pileo sursum uer-
sus porrecto, breui oriq; ueste amicti sunt. hii urbes
et arces oppugnant, et uiginti milia sunt. Asyppo-
rum autem peditum, qui rubeo pileo ab Ianizariis
discernuntur, qui in prelio hostium equos subfodi-
unt, quadraginta milia, et peditum uoluntariorum
qui sine stipendio militant, aut euocantur, demptis
et non numeratis Calonibus, lixis, fabris, nummulariis

rijs institoribus ac alijs id genus magna qui uias ster-
nunt, pontes fluminibus, aut stagnis imponunt, ag-
geres, & reliqua necessaria erigunt, ac struunt, or-
dinaria institutioe, dum proditur in campum, edu-
cuntur propemodum infiniti. Illis autem sic instru-
ctis & a cunis ad bellandum edoctis copijs, paruo
& imbecilli cuneo militum occurrere, cum illisq;
manum conferere, aut prelio congregi, neq; regi,
neq; antesignanis consiliarijs uidetur admodum ef-
se consultum.

Produnt historiae ueterum, quibus secire fidi-
mus, Pazaiten Pacietem Turcorum regem aduersus
Parthorum regem Tamberlanē Tambrillonū, Quem Tur-
cis occurrē
dum sit
a quo praelio superatus, & catenis aureis uinctus
in curru ducebatur, plusquam quatuor centena mi-
lia armatorum, eduxisse, nec dum illius potentia,
quantum hodie creuit, aucta erat.

Proinde uidet, & recte, Rex noster, paruum
non sufficere cuneum, sed opus fore potentissimo
& ualidissimo tam equitum quam peditum optime
instructo exercitu. Quem si conscribere & colle-
ctum educere uelit, illum commeatu, machinis aene-
is, munitionibus, & alijs rebus innumeris instrue-
re oporteat. Id autem sine immenso thesauro pecu-
niae, qui fortissimus cuiusq; belli neruus est, perfici
non poterit.

Paratissima totoq; animo propensa esset Maie-
stas illius uel Midæ aurum, ac Salamonis & omniū
regum atq; adeo totius mundi thesauros exponere,
modo ut ipsa Cristianitas ab hoc furioso, impio, &
sine deo tyranno liberata & salua esset.

Sed prohdolor a Friderici proau, & Maximi-
liani aui Imperatorum temporibus, intra quæ Tur-
ci uehementiores, grauiores & frequentiores incur-
siones ac de populationes non solum in Hungariam
& Croaciam, sed & Carynthiam, Styriam & Car-
niolam Austriæ prouintias, per crebros saccomana-
nos & latrones, quos Martilosas appellant, fecerūt
Contra quos & in subsidium Regni Hungariæ, quā-
diu Rex noster Austriæ domum gubernandam sus-
cepit, septem continuis annis, exercitum magnum
intertendere coactus est, sineq; intermissione con-
tra Turcos pugnavit. Non enim tam impius & cru-
delis in suos etiam Hungaros & Croatos esse uoluit
ut sese præcipitet in damnatissimam Lutheri no-
uam & inauditam hæresim, qua pro suo more per-
tinaciter per insaniam affirmat, quomodo Christia-
nis contra Turcos bellare non liceat, sed Turcis oēs
aperire portas Christianum & Euangelicum prin-
cipem conueniat.

His igitur tam diuturnis ac grauissimis incursionibus

bus, depopulationibus, ac bellis, militibusq; auxilia-
ribus, sic suæ Maiestatis vires exhaustæ, ac diminu-
tæ sunt, ut sua Maiestas sola, hanc tantam tanti Ty-
ranni molem, nisi aliunde suppetias & suffragia,
& potissimum ex tuæ Maiestatis thesauro habeat,
iuueturq; sufferre solus non potest, & multo mi-
nus resistere ac repellere.

Quod si hac uice sua Maiestas diuino assistente
præsidio, tam irato ac frementi inimico non restite-
rit, aut saltem præualentiori Marte non præualue-
rit. Iam non solum de Croaciæ regno, cuius residua
pars exigua est, & Hungaria, quæ fere dimidia ce-
cidit, sed de utraq; Germania superiori & inferiori.
quibus dudum feciales misit & bellum indixit ty-
rannus ille, actum erit. Is etiam ad Calesium, Dae-
uarum, & ultra Britannos & occidentis fines ex-
curret,

Hec res, tam prodigiosum inquam & abhomi-
nabile malum, longe a Maiestate tua & cunctis
christianis capitibus regibus, ac principibus, ne cō-
tingat, abesse debet.

Est hoc negotiū siue Christum sanctissimum
fidei nostræ caput, siue illius membra spectes per
omnia commune, uictoria communis, periculum

Quod resi-
stendū sit
Turco, ob
cōmune pi-
culum.

C 2 ex altera parte

commune. Paries enim hic proximus ardet. Velimus
nolimus, congregandum erit. Vincere ergo, ut bre-
uiter dicā, aut uinci, fugare aut fugere, necesse est,
neq; hic ulla Fabij cunctatio leuabit.

Sæpius pro
Christiani-
tate defen-
denda pug-
natum est
ab Anglis.

Et quia Regia tua Maiestas hoc totidem sæculis
à progenitoribus & antecessoribus, quasi inditum
ac hereditarium habet: ut Anglia posteaquā Chri-
sti nomen, baptisma, fidemq; suscepit, pro illa tuen-
da q̄ religiosissima fuerit, & fuso sanguine, quasi
uitæ prodiga, sæpe acerrime pugnauerit. Alijsq; pu-
gnare uolētibus fidelissime astiterit, & manus præ-
buerit auxiliares.

Nouus ac
peculiaris
Titulus Re-
gis Anglicæ.

Sic sanè aliquot Britannorum reges, dimissis q̄
domi erant omnibus, ab occiduo sole in Orientem,
triremibus nauigare Ptolomaidem, Syriam, Hieru-
salem & alia Palæstinæ loca è faucibus Ismahelita-
rum eripere olim grauati non sunt, & tu non fru-
stra diuino inspirante spiritu, hunc & talem titulū
quem rex nullus habet, adeptus es, ut Christianæ fi-
dei defensor scribaris, tenearis, & sis. Quasi te de-
us talem speciali prærogatiua præuiderit, nobisq;
seruarit, ut hijs temporibus, quibus tanto impetu
Turci irruunt, assistas & resistendi materiam pro
Regia liberalitate, sanguine iuncto commilitoni ac
auunculo præbeas. Pro hijs nempe suppetijs regijs
& tuo Regio titulo dignis petendis ad te missi su-

mus. Sed huic tam honorifico titulo, te uiuente, & hac tempestate tunc satisfeceris, ubi Regem nostrum commilitonem, ac auunculum tuum in hoc tam pio & maxime necessario opere non deseras, sed pro tua fortuna uiues, & ipso opere factoq; comprobes, quod nomine & titulo praefers, utpote qui defensor fidei diceris, etiam opere & contributione sis.

Calamo uelociter currenti aduersus damnatissimum Lutheri monstrum ac haeresim hoc tibi posterisque tuis accessit, ut fidei defensor appelleris, id quod tibi ac tuo regno maximam utilitatem attulit, qui à tam seditiosa fabula ac cruenta Tragœdia, quibus Germania pro dolor nimium grauata fuit, liberatus es. Idque non absque diuina gratia fieri potuit: sed nunc cum & hasta aduersus infideles, ac impios Turcos pugnandum sit, restat, ut huic titulo non desint opera. Nam & Iesus coepit facere & docere.

Apud te cogita, discedentibus à te nobis, redeuntibusque ad Regem nostrum, rebus non pro uoto nostro obtentis, per Lutheranorum prouintias redire necesse est. Quamprimum intelligerent, nos tanto itinere frustra uenisse, gloriaturi essent, non modo te non esse defensorem fidei, sed & manibus & pedibus in hanc confessisse sententiam, qui cum illis & ad illorum sententiam teneres solam fidem sufficere absque operibus, utpote qui fidem titulum tenus

Rex Anglicus fidei ipsae et opere deservat. hortatur.

scriptisque defenderes: uerum re ipsa nihil præsta
re uelis. sed hæc labes à tãto et tam catholico Rege
longissime absit. potius hoc respiciat. quod Rex no-
ster. qui illius amicus tam sanguine quàm affinitate
iunctus facere constituit.

Magnani
mitas Re
gis FERD.

Paratus est Rex noster omnes uires, thesauros,
fortunas, populos, prouitias, et quicquid uspiam ha
bet, etiam corpus proprium, uitam propriam expo
nere, neq; dubitat, dominus solem tam diu stare ui
bebit, atq; præcipiet, quoad ueluti Gedeon alter, cõ
cesso uellere sese de inimicis uindicare. Adiecit co
gitatũ suũ in dominum, q̃ scutum est oĩm sperantũ
in se, qui pugnabit pro eo, neq; difficile illi fuerit sal
uare, uel in multis uel in paucis. Propterea nõ timet
quid sibi faciat homo, Scuto circundabit eum, ut nõ
timeat a timore nocturno a sagitta uolante in die:
a negocio perambulante in tenebris, ab incurſu &
demonio meridiano. Cadent a latere illius mille, &
decem milia a dextris eius.

Sic enim intra se Rex noster cogitat, si Deus
Opt. Max. olim Carolo Martello Pipini senioris fi
lio dedit, ut Lindprandi regis Longobardorum au
xilio occideret centena milia Sarracænorum, & sic
fœlici hac uistoria non paucos Sarracænos ab His
pania & Gallia pepulit. Regibus autem Castiliæ et
Arragoniæ concessit, ut Ermelinum Sarracænorũ

regem ab obsidione Toleti, & tota Africa fuso exercitu eiecerit, et nouissime Frederico Barbaros se Imperatori sic astitit, ut anno uerbi incarnati millesimo centesimo quinquagesimo quinto, per Hungariam Constantinopolim uenerit, post Bosphorū quoq; traiecerit, Non modo Philomenam urbem a Turcis, sed ipsam Armeniam minorem, Tirum, & alia recuperauerit: Is proculdubio mittet angelū de caelo, exterminatorē Aegyptiorum, qui regem nostrum quasi Moysen per mare Rubrum, per uasta desertā & solitudines, in terram sanctam ducet, & triumphatorem cum glorioso triumpho reducet

Armeniam
recupera-
uit Frideri-
cus Barba-
rossa.
Epilogus

Hæc sunt Serenissime ac Potentissime Rex, Orthodoxæq; fidei defensor fortissime, quæ propter labescentem Christi fidem, illiusq; imminentem proxime & præforibus expectantem interitum, Rex noster tibi, non ut amico sed ex duplici iure fratri & defensori fidei nostræ proponi iussit. Quæ etsi rudi, inculta, ineleganti & prorsus barbara oratione, quæ nihil floris succi, & gratiæ habet, dicta sunt rei tamē grauitas, et amor, quem semper in regem nostrum gestare solitus es, totum quicquid usquam defuerit, proculdubio supplebit.

DIXI.